



**R.P. Petri Leurenii Societatis Jesu, SS. Theologiæ
Doctoris, & SS. Canonum Professoris Vicarius Episcopalis,
Sive Tractatus Quaternarius Per Quæstiones & Responsa
Canonica Deductus**

Leuren, Peter

Coloniae Agrippinae, 1708

226. An possit uniones beneficiorum rescindere.

[urn:nbn:de:hbz:466:1-74203](https://nbn-resolving.de/urn:nbn:de:hbz:466:1-74203)

De potestate Vicarii in re Beneficiaria.

79

Questio 225. Num Vicarius sine speciali mandato possit supprimere Beneficium.

Respondeo negativè. Sbroz. l. 2. n. 5. Fagn. in e. non amplius. de Instit. n. 74. & 86. citans Rotam apud Put. decis. 53. l. 3. Ventrigl. Tom. 2. annot. 14. §. 1. n. 12. Pax Jord. l. 12. tit. 1. n. 160.

Questio 226. An Vicarius possit uniones Beneficiorum revocare.

Respondeo quemadmodum Vicarius sine speciali mandato uniones facere non potest, sic nec uniones factas revocare potest sine tali speciali mandato; ejusdem enim naturæ est distractus, cuius est contractus, eademque solennitas (adde & authoritas, quæ requiritur in construendo, requiritur etiam in destruendo. Ventrigl. Tom. 2. annot. 14. §. 1. n. 12. citans Meroll. Th. mor. p. 3. c. 6. dub. 24. Pax Jord. l. 12. tit. 1. n. 160. Sbroz. l. 2. q. 116. n. 3. contra Gabr. conf. 200. Estque talis dissolutio species aliqua alienationis. Sbroz. l. 1. n. 6. Adeòque requirit speciale mandatum. Quamvis autem videri possit Vicarius habens speciale mandatum ad facientes uniones, habere hoc ipso etiam potestatem dissolvendi uniores saltem à se factas; Cum per easdem causas, per quas res nascitur, per easdem etiam destruktur; contrarium tamen videtur verum, argumento illius quod licet habeat ab Episcopo specialiter potestatem conferendi Beneficia, non habeat hoc ipso quoque facultatem destituendi beneficiatos.

Questio 227. An Vicarius possit dismembrare Beneficia.

Respondeo negativè. Pax Jord. l. c. vide dicta supra, ubi de dividendis à Vicario Parochiis.

PARAGRAPHUS II.

De potestate Vicarii circa Juspatronatus præsentationem, institutio- nem, confirmationem, elec- tionem.

Questio 228. An Vicarius Generalis Episco- pi sine speciali ejusdem consensu reservare possit Juspatronatus seu reservationem illius in constructione Ecclesie, fundatione & dotazione illius autorizare possit consensu suo.

Respondeo negativè. Lotter. de re benef. l. 2. q. 7. n. 3. Castropol. tract. 13. d. 2. p. 2. n. 9. Garc. de benef. p. 5. c. 9. n. 75. citans Calder. conf. 3. de off. Vicar. Ferret. conf. 327. 343. & 344. Zerol. in pr. p. 1. v. Vicarius §. 11. & 13. &c. Barbol. de potest. Episc. allegat. 54. n. 74. citatis Vivianio in pr. jurispat. p. 1. l. 1. c. 1. n. 24. Gratian. discept. for. 303. n. 12. Rotam in Neptina juris. 23. mart. 1611. Item Car. de Luca ad Ventrigl. Tom. 2. annot. 14. §. 1. n. 6. Sbroz. l. 1. q. 3. n. 4. citatis plurimis. Card. de Luca. d. 55. de jurep. n. 5. ubi, postquam dixisset: affirmati- vam (uenite sufficeris consensum Vicarii ad erectionem illam primam jurispat.) Suadet illa ratio non incongrua, quod id non est alienare, sed acquirere, atque rem utiliem pro Ecclesia facere, ut sentire vija est Rota in Auxi- mana juris. 12. Jan. 1615. & in Clauſin. juris. 4. Jul. 1636. subiungit: Verum negativa est verior, magisque re-

cepta, &c. contrarium sententibus Port. conf. 99. m. 43. Apud Sbroz. item Meroll. Th. mor. p. 3. c. 6. dub. 24. n. 75. & 391. Et ratio est, quod sicut conferre & instituere nequit beneficia, ita etiam in eorum erectione imponere nequit illis dictam servitutem. Castrop. Lotter. l. cit. 2. Ampliatur responsio, quod ne quidem id possit Vicarius Episcopo absente à civitate vel Diæcesi; & quod absentia Episcopi non ampliet facultatem Vicarii, nisi in casibus in jure expressis. Sbroz. l. c. n. 6. ex Ferret. conf. 327. n. 6. Idem tenuisse Rotam in illa Neptina testatur Barbos. l. c. & tener expresse Tond. qq. benef. p. 2. c. 4. §. 9. n. 19. ubi: noi tamen etiam in remotis & extra montes existente Episcopo, potest donationem jurispatronatus aut ejus erectionem in favorem laici autorizare Vicarius citat Ferret. conf. 327. l. 2. quamvis Sbroz. l. c. n. 7. tenere videatur contrarium, hoc nixus fundamentis, quod tradidit l. 2. q. 30. a. n. 13. quod numerum in absentia Episcopi consensum Episcopi requisitus supplere queat Vicarius. E contra restrinxit responsionem Carol. de Luca. l. c. ita, ut id non possit Vicarius sine speciali mandato Episcopi, nisi ubi ad esset observantia perpetui temporis in contrarium.

3. Porro Vicarium præsumi habuisse sufficientem facultatem (intellige ex speciali concessione Episcopi) præstandi assensum erectioni jurispatronatus, etiam minore iipatio 30. Annorum, censuisse Rotam decis. 702. n. 1. recent. impressa apud Farinac. testatur Barbos. l. c. Sic quoque ait Cardina. de Luca. l. c. n. 6. quod facilis isto casu (intellige prima erectionis jurispatronatus, quam in altero donationis vel alterius alienationis jurispatronatus ista facultas præsumptivè seu administrative admittatur, ut occasione præsumptæ probationis resultantis advertitur; portissimum vero circa præsumptionem resultantem à facultatis concessione circa collationem Beneficiorum, five ab Episcopi absentia cum longa distantia. Ratio autem differentia inter istum consensum præstandum novæ fundationi, & alterum præstandum alienationi jurispatronatus, quod isto secundo casu mora non ita causare possit irreparabile præjudicium sicut potest in primo; quia scilicet habens bonum propositum fundandi Ecclesiam vel Beneficium potest interim mori vel pænitere; ideo que facilis in Vicario absente præsternit Episcopo ista facultas admittenda est. Cardin. de Luca cit. d. 55. n. 6. eadem ferè habens d. 56. n. 8. ubi: in casis fortiori consensus præstandi zœva erectioni aliquam pecuniam rationem habenti, ut in Vicario absente Episcopo talis potestas admittenda, vel de facili presumenda sit; quia periculum in mora subesse potest, &c.

Questio 229. Num igitur parimodo sine spe- ciali mandato Vicarius consensu suo authori- zare nequeat donationem jurispatronatus.

Respondeo affirmativè. Azor. p. 2. l. 3. c. 4. §. q. 1. Corrad. in prax. benef. l. 4. c. 5. n. 15. Gato. l. c. n. 77. Barbos. l. c. n. 75. citans Zerol. in pr. Episc. V. Vicarius. §. 11. & 11. Rebuffi. in pr. tit. for- ma Vicar. n. 184. Riccius in prax. aurea resolut. 469. Ferret. conf. 344. n. 1. vol. 2. Ugolini. & alios. Ton- dut. l. c. Card. de Luca de jurep. d. 28. n. 13. citans pro hoc Cavalier. decis. 638. n. 3. Rotam decis. 576. n. 1. p. 1. recent. decis. 224. n. 10. part. 8. decis. 430. n. 3. & 4. p. 9:

2. Ampliatur id ipsum, ut id nequeat Vicarius in casu absentie Episcopi. Tondut. l. c. Barbos. cit. n. 75. citans Ferret. conf. 347. n. 17. Corrad. l. c. Card.